



Broj: 03-05-5- 692/16

Datum: 17.03.2016.godine

OPĆINSKO VIJEĆE

INFORMACIJA

o radu i funkcionisanju organa mjesnih zajednica u 2015 godini

Informacija o radu i funkcionisanju organa mjesnih zajednica u 2015.godini, rađena je na osnovu izvještaja, redovnih audita, redovnim i vanrednim obilascima mjesnih zajednica, svakodnevnih kontakata sa predstavnicima, pojedinačno održanim sastancima općinske uprave sa rukovodstvima mjesnih zajednica kao i povremenom prisustvu sastancima od strane referenta za rad sa mjesnim zajednicama.

1. Organizacija mjesne samouprave - pravni okvir u radu mjesnih zajednica

Rad mjesne samouprave u FBiH uređen je Zakonom o principima lokalne samouprave u Federaciji Bosne i Hercegovine (Službene novine FBiH 49/06), Statutom Općine Tešanj (Službeni glasnik Općine Tešanj broj 11/07), i drugim pojedinačnim aktima Općine Tešanj.

Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave koju osniva vijeće, te u gradskim četvrtima i drugim oblicima mjesne samouprave u skladu sa statutom jedinice lokalne samouprave.

Statutom Općine Tešanj (Službeni glasnik Općine Tešanj broj 11/07), uređen je način formiranja mjesnih zajednica, organi mjesnih zajednica, konstituisanje organa mjesnih zajednica, i druga pitanja značajna za rad i funkcioniranje mjesne zajednice.

U provedenoj redovnoj proceduri od strane mjesnih zajednica usvojeni su statuti u svim mjesnim zajednicama, koji su usklađeni sa Statutom Općine Tešanj, takođe su usvojeni Poslovnici o radu Skupštine i Savjeta MZ kojima je preciziran način rada, održavanja sastanaka i donošenja odluka. Kroz provođenje propisanih procedura usvojene su dopune i Poslovnika o radu Savjeta kojima su definisani opis poslova i nadležnosti, odgovornosti i ograničenja u radu tehničkog sekretara u MZ, kao i način vršenja primopredaje poslova i protokol koji je obaveza popuniti.

Sve mjesne zajednice imaju status pravne osobe, posjeduju pečat, identifikacijske brojeve i otvoren jedan ili više bankovnih računa, osposobljene su za samostalan rad kako u upravljanju mjesnim zajednicama tako i kroz skoro svakodnevnu komunikaciju sa općinskom upravom, građanima i povremeno medijima. Osposobljene su i izrađuju planove, aktivno učestvuju u kandidovanju i praćenju projekata te prikupljanju sredstava za realizaciju istih.

Predstavnici MZ se maksimalno uvažavaju prilikom izvođenja aktivnosti na području njihove MZ. Ovdje je bitno naglasiti da su predstavnici MZ kontrolni i korektivni faktor prilikom izvođenja poslova ljetnog održavanja jer ni jedan nalog se ne plati dok predstavnici MZ svojim potpisom i pečatom ne potvrde da su poslovi realizovani. Kod zimskog održavanja puteva uloga MZ je još više izražena, Općina mjesnoj zajednici doznači pripadajuća sredstva po sporazumu a MZ provodi javnu nabavku, ugovara, kontroliše kvalitet i plaća odrađeni posao.

Na zahtjev predstavnika mjesnih zajednica, općinskih Načelnika ili Službi konstantno se organizuju sastanci na kojima se raspravlja o problemima u radu koje imaju MZ, definišu se pravci djelovanja i načini pomoći koju će Općina pružiti MZ u cilju otklanjanja nedostataka. Načelnik i

pomoćnici povremeno organizuju i konstruktivne posjete mjesnim zajednicama, najčešće u toku realizacije projekata, gdje se na terenu upoznaju sa potrebama stanovnika.

Prilikom pripreme, izrade i usvajanja liste kapitalnih projekata maksimalno se uvažava mišljenje mjesnih zajednica i u konačnici ova lista bude sastavljena od prioriteta koje su dostavili predstavnici mjesnih zajednica.

2. Finansiranje mjesnih zajednica

Način finansiranja rada organa mjesnih zajednica do sredine godine, tačnije do 31.05.2015. godine za općinu Tešanj regulisan je Odlukom o načinu i kriterijima raspodjele sredstava za finansiranje rada organa mjesnih zajednica ("Službeni glasnik Općine Tešanj" 11/07), izmjenama i dopunama Odluke o načinu i kriterijima raspodjele sredstava za finansiranje rada organa mjesnih zajednica ("Službeni glasnik Općine Tešanj" br. 3/11 i 9/11), a od 01.06 2015.godine organi mjesnih zajednica su finansirani na osnovu Odluke o načinu i kriterijima raspodjele sredstava za finansiranje rada organa mjesnih zajednica ("Službeni glasnik Općine Tešanj" 1/15) kao i Odlukom Općinskog vijeća o raspoređivanju sredstava za kapitalna ulaganja i Odlukom o preusmjeravanju dijela sredstava kapitalnih ulaganja. Ovim Odlukama definisano je da se sredstva namjenjena za mjesne zajednice dijele na dvije proračunske stavke i to za redovan rad organa MZ i za kapitalne projekte na području MZ. Predstavnici mjesnih zajednica maksimalno su uključeni u izradu nacrtu budžeta kako kroz prisustvo na javnim raspravama, tako i kroz dostavljanje svojih prijedloga u pismenoj formi.

Važno je istaknuti da je većina mjesnih zajednica oslonjena na finansiranje iz budžeta općine i vlastito učešće građana, a da je mali broj mjesnih zajednica koje imaju mogućnost drugih izvora finansiranja. Ovom prilikom ističemo da jedan broj mjesnih zajednica ima sigurne izvore finansiranja kroz izdavanje prostora u zakup, rad pijace, naplaćivanje potrošnje vode i druge izvore finansiranja, te su u prednosti nad mjesnim zajednicama koje nemaju dodatne prihode.

Prihodi, rashodi kao i stanje računa na 31.12.2015.godine su dati su u tabelarnom prikazu na kraju informacije.

3. Nadzor nad radom mjesnih zajednica

Nadzor nad zakonitošću rada organa mjesne zajednice obavlja Općinski načelnik neposredno i preko općinskih službi za upravu. Općinski načelnik je svojim Rješenjem o imenovanju odgovornih lica za zakonitost rada mjesni zajednica broj: 02-49-2-3996/10 od 01.11.2010. godine prenio ovlasti na pomoćnika Općinskog načelnika u Službi za društvene djelatnosti i investicije za nadzore iz oblasti Zakonitog djelovanja organa MZ prilikom donošenja akata iz vlastite nadležnosti (Odluke, Zaključci, Ugovori, Sporazumi i sl.), i pomoćnika Općinskog načelnika u Službi za finansije, privredu komunalne i inspeksijske poslove za nadzor iz oblasti Zakonitog djelovanja organa MZ iz oblasti materijalno finansijstskog poslovanja organa MZ. Pri službi za društvene djelatnosti i investicije radi Viši referent (koordinator) za rad sa mjesnim zajednicama, sa preciziranim obavezama za servisiranje rada svih mjesnih zajednica, pružanje pomoći organima MZ kao i stalnu koordinaciju Općine-MZ i obrnuto, kao i kordinaciju između dvije ili više MZ. Općina je kroz provođenje procedura, knjigovodstvenom servis "AIDA" dodijelila vođenje knjigovodstvenih poslova. Uvođenjem jedinstvenog knjigovodstvenog servisa povećana je finansijska disciplina u radu organa MZ.

Rad mjesnih zajednica je regulisan Zakonima i propisima i to:

- Zakonom o principima lokalne samouprave u Federaciji Bosne i Hercegovine (Službene novine FBiH 49/06),
- Statutom Općine Tešanj (Službeni glasnik Općine Tešanj broj 11/07),
- Odlukom o načinu i kriterijima raspodjele sredstava za finansiranje rada organa mjesnih zajednica ("Službeni glasnik Općine Tešanj" 1/15),
- Sve mjesne zajednice imaju usvojene Statute koji su usklađeni sa Statutom Općine Tešanj,
- Sve mjesne zajednice imaju usvojene Poslovnike o radu Savjeta i Skupštine.

3.1. Nadzor nad redovnim radom

U cilju efektivnije kontrole i efikasnijeg vršenja nadzora nad radom mjesnih zajednica, mjesne zajednice su obavezne pored mjesečnog dostavljanja zapisnika sa sastanaka da obavezno dostavljaju i sve odluke, ugovore, zaključke i druga pravna akta do desetog u mjesecu za protekli mjesec, kako bi općinska nadležna Služba za rad sa mjesnim zajednicama provjerila zakonitost rada.

To naravno ne umanjuje ličnu i kolektivnu odgovornost organa i nosioca funkcija u mjesnim zajednicama, ali omogućuje pravovremenu reakciju u slučaju uočenih nepravilnosti. Tokom godine uočene su određene mogućnosti za poboljšanje rada i prema mogućnosti reagovano:

1. Tokom godine održano je 186 sjednica savjeta MZ ili u prosjeku 7,44 sjednica Savjeta po MZ i 39 (42) sjednicu skupštine ili u prosjeku 1,56 sjednice po mjesnoj zajednici, razlika je u 3 MZ (Kraševo, Karadaglije i Piljužići) gdje je bio otežan rad skupština zbog nedostatka kvoruma ili neusvajanja dnevnog reda. Ukupno 517 članova organa MZ-aktivista bili su inicijatori i podrška brojnih aktivnosti. Pored aktivista koji su članovi organa MZ i sekretara MZ, u rad istih je uključen i veliki broj volontera koji su angažovani u građevinskim odborima, radnim grupama-timovima, udruženjima i slično a koji svojim angažmanom doprinose stvaranju boljih uslova za život i rad na kompletnom području općine Tešanj. Pojedinačan pregled ovih sastanaka po MZ prikazan je u tabeli na kraju ove informacije.
2. Tokom 2015 godine na poziv organa MZ, referent za rad sa mjesnim zajednicama je prisustvovao na 33 sjednice Savjeta ili Skupštine u 23 mjesne zajednice, prisustvo referenta za rad sa MZ je uveliko poboljšalo komunikaciju i pomoglo u rješavanju sitnijih zahtjeva i otklanjanju nedostataka. Napominjemo da prisustvo referenta ne zavisi samo od njega lično nego i od poziva pojedinih mjesnih zajednica, tako da za izvještajnu godinu nije realizovano prisustvo u MZ Dobropolje-Mekiš i MZ Novi Miljanovci, vjerovatno jer nije bilo potrebe za pozivanje koordinatora na sjednice (za razliku od prethodne godine kada su to bile MZ Karadaglije i Mrkotić).
3. Tokom godine, a uglavnom na zahtjev predstavnika MZ, održano je 22 sastanaka Općinskog načelnika i saradnika sa predstavnicima 18 MZ na kojim se razgovaralo o problemima sa kojim se susreću predstavnici MZ i eventualom načinu njihovog rješavanja.
4. Analizirano je ukupnu 1242 donesenih Odluka, Zaključka i sl. od strane mjesnih zajednica, i to najveći broj iz mjesne zajednice Tešanjka sa 186 i Šije sa 124 donesenih odluka,
5. Provjereno je 647 potpisana Ugovora ili Sporazuma, koje su MZ potpisivale sa trećim licima za obavljanje poslova za potrebe mjesnih zajednica, a za potrebe zimskog održavanja puteva dostavljeni urneci ugovora koji su obezbijedili unificiranost u ugovaranju i kontroli izvršenja ugovorenih poslova, većina ugovora se odnosila na učestvovanje u sufinansiranju izgradnje vodovoda a najviše je potpisano u MZ O.Planje 282 i Medakovo 147 Ugovora.
6. Pružena je pomoć mjesnim zajednicama za pripremu i potpisivanje Ugovora sa fizičkim licima i pravnim licima za iznajmljivanje prostora ili obavljanje poslova. U saradnji sa Općinskim pravobraniocem i pored dostavljenog unificiranog urneka Ugovora vršene su provjere ugovora prije samog potpisivanja istih.
7. Četiri mjesne zajednice upozorene na obavezu redovnog dostavljanja izvještaja (Bobare-Drinčići-Blaževci, Džemilić Planje, Novo Selo i Mrkotić) poslije toga je primjetan napredak.
8. Tokom godine na obavezu održavanja sastanaka organa MZ upozoreno pet MZ i to MZ Kraševo, MZ Piljužići, MZ Novo Selo, MZ Karadaglije i MZ Mrkotić, najčešći uzrok za neredovnost u održavanju istih je nedostatak kvoruma tako da se jedna sjednica zakazuje više puta a na istu dođe broj članova koji ne omogućava nastavak rada.

9. U skladu sa mogućnostima Općina je podržala organizaciju obilježavanja važnijih datuma na području mjesnih zajednica a prema podnesenim zahtjevima.
10. Pripremljen je i realizovan Plan edukacije sekretara i predsjednika Savjeta za 2015-tu godinu, a za razliku od prethodne godine realizovana i edukacija na otvorenom sa ciljem prezentovanja turističkih potencijala Općine, jačanja ekološke svijesti i poboljšanja saradnje udruženja građana i mjesnih zajednica.
11. Pojedine mjesne zajednice organizuju stalne sastanke sa predstavnicima naseljenih mjesta odnosno zaseoka što je dalo dobre rezultate a predstavnicima MZ a time i Općine dale dodatne podatke o stvarnim potrebama građana.
12. I pored postojeće baze projekata od predstavnika mjesnih zajednica traženo je da dostave po tri prioriteta projekta koja kandiduju za realizaciju u 2016. godinu, ovo je još jedan od pokazatelja uvažavanja mišljenja i zahtjeva predstavnika MZ prilikom kandidiranja kapitalnih projekata.
13. Krajem godine Općina Tešanj i 13 mjesnih zajednica su podnijeli zajedničku aplikaciju na projekat UNDP-a “Jačanje uloge mjesnih zajednica u Bosni i Hercegovini”, u izuzetno kratkom vremenu popunjenji su ogromni upitnici i prikupljena obimna dokumentacija. Do pisanja ove informacije dobili smo potvrdu da smo izabrani kao partneri na navedenom projektu. Uspješna prijava aplikacije u kratkom vremenu još jednom je pokazala da je sistem organizacije mjesnih zajednica na dobrom nivou ali da smo spremni u budućnosti uložiti napore da poboljšamo sistem koordinacije i organizacije.
14. Učestali su bili problemi u održavanju sjednica Skupština MZ Karadaglije, MZ Piljužići i MZ Kraševo koji se odnosili na nedostatak kvoruma (karakteristično za sve MZ ali u manjem obimu), proceduralne primjedbe, prekid sjednica i slično. Navedene MZ su upozorene na obavezu održavanja sastanaka. I pored upozorenja u MZ Piljužići nije održana ni jedna sjednica Skupštine.
15. Tokom godine mjesnim zajednicama pružene dodatne informacije oko procedura zamjene članova organa MZ i izbora sekretara mjesnih zajednica.
16. Razgovarano sa predstavnicima MZ Jelah i MZ Tešanjka o iznalaženju rješenja za kvalitetno upravljanje pijacama i problemom blokiranog računa ZZ Jelah, te predloženo da se razgovara i uspostavi saradnja sa zadrugom “Kapi života” što je rezultiralo potpisivanjem Ugovora o saradnji.

3.2. Nadzor nad finansijskim transakcijama mjesnih zajednica

U cilju efikasnijeg vršenja nadzora nad radom mjesnih zajednica, mjesne zajednice su obavezne da dostavljaju izvještaj o svim novčanim transakcijama do desetog u mjesecu za protekli mjesec, kako bi se provjerila zakonitost finansijskog poslovanja. Pošto je provođenjem procedura izabran jedinstveni knjigovodstveni servis finansiran od strane Općine Tešanj, isti je zadužen da prati sve finansijske tokove te u slučaju uočenih nedostataka da obavjesti Službu o istim. To naravno ne umanjuje ličnu i kolektivnu odgovornost organa i nosioca funkcija. Izvršena je šestomjesečna i godišnja analiza izvještaja, te poduzimane mjere shodno nalazima iz izvještaja:

- a) Tražene dopune izvještaja, i upozoreno na identifikovane sitne i povremene nedostatke te na neredovno dostavljanje dokumentacije, radilo se o kraćem kašnjenju dostave dokumentacije a poslije upozorenja otklonjeni nedostaci, a odnosilo se na MZ Kraševo, Piljužići i Novi Miljanovci.
- b) Izdata je jedna mjera obustave uplate sredstava za rad organa MZ koja je trajala četiri mjeseca, nakon čega se stanje u ovom segmentu rada MZ znatno poboljšalo.
- c) Nekoliko mjesnih zajednica još su opterećene dugovanjima za projekte iz ranijeg perioda, to su MZ Bobare-Drinčići-Blaževci (84.200,00 KM i to 30.000,00 KM Općina Tešanj i 54.200,00 KM “Dobojputevi doo”), MZ Karadaglije (129.000,00 KM “Dobojputevi doo”) i

MZ Orašje Planje (42.900,00 KM“Dobojputevi doo”), iste imaju potpisane sporazume za povrat duga, ista se vraćaju sa liste za kapitalna ulaganja ali dinamika je spora zbog ograničenja navedenih sredstava. Iz gore navedenog je vidljivo je da je ostatak dugovanja MZ cca 256.000 KM te da će u narednom periodu samo tri MZ biti opterećene dugovima za realizovane projekte iz ranijeg perioda.

- d) Izvršena kontrola poštivanja odredbi Zakona o javnim nabavkama u četiri mjesne zajednice po slučajnom izboru, a težište je dato na procedure prilikom izbora izvođača poslova na zimskom održavanju puteva u organizaciji MZ. Uočeni su sitniji nedostaci te date instrukcije za otklanjanje istih.
- e) Sve mjesne zajednice su na vrijeme uradile finansijske izvještaje a u saradnji sa knjigovodstvenim servisom urađeni i u AFIP dostavljeni završni računi sa bilansima stanja i uspjeha.
- f) Zbog blokade računa ZZ Jelah utvrđeno da MZ Jelah nije naplatila potraživanja nešto više od 10.000 KM i MZ Tešanjka oko 4.000 KM, istim savjetovano da pokrenu zajedničku tužbu sa ciljem naplate potraživanja.

3.3. Provedeni auditi

Na osnovu utvrđenog Plana audita budžetskih korisnika Komisija za provođenje audita u dva navrata je izvršila audit finansijskog poslovanja svih mjesnih zajednica putem knjigovodstvenog servisa, a u tri mjesne zajednice vršena je kontrola na licu mjesta sa ciljem provjere načina donošenja odluka i realizacije istih. U MZ Trepče, Tešanjka i Jelah vršen poseban audit sa aspektom na pružanje uputa za rad sa sredstvima koja su se prikupljala za pomoć bolesnim sugrađanima. Prema posebnom planu izvršeni su specijalistički audit koji se odnosio na korištenje informatičke opreme kao provjere inventara prema popisnim listama te provjera stepena otklonjenih nedostataka od prethodne godine. Cilj je bio uvid u stanje ove opreme, kontrola osposobljenosti tehničkih sekretara za rad na računarima te pružanje pomoće u radu sa službenim E mail adresama. Takođe prema posebnom planu rađen je obilazak dječijih igrališta i sportskih terena sa posebnim osvrtom na stanje rekvizita kako sportskih tako i igrališta za djecu Nakon provedenih audita poduzete su sljedeće mjere:

1. Dodijeljena računarska oprema se koristi u skladu sa namjenom, a svi sekretari su bili osposobljeni za rad sa službenom Email adresu, za razliku od prethodne godine kada ih je bilo osposobljeno 60 %,
2. Dodijeljena informatička oprema koja je po MZ dodijeljena od strane Općine nalazila se u prostorijama MZ te je maksimalno iskorištena,
3. Primjenom usvojenih akata Statuta, poslovnika o radu savjeta i skupština sa pravilima odlučivanja, uvođenjem jedinstvenog Knjigovodstvenog servisa, povećana je zakonitost, ozbiljnost u radu i donošenju odluka,
4. Nastavljena je aktivnost na definisanju jedinstvenog statusa mjesnih vodovoda i organizovanje njihovog rada na zakonitim osnovama (legalizacija istih), ista još uvijek nije dala očekivane rezultate. MZ Kalošević, Mrkotić i Bobare-Drinčići-Blaževci i Tešanjka će u narednom periodu morati poduzeti aktivnosti na kvalitetnijem upravljanju vodovodima,
5. Po pitanju upravljanja vodovodom potrebno je u pozitivnom smislu spomenuti MZ Šije koja je upravljanje vodovodom u potpunosti uskladila sa Zakonskim principima.
6. Date su smjernice za poštivanje potpisanih Ugovora kada je u pitanju nadzor nad dječijim igralištima, isti je proširen za nadzor nad sportskim terenima te je skrenuta pažnja na obavezu dostavljanja izvještaja o stanju rekvizita sa zahtjevom za sanaciju minimalno dva puta godišnje a po potrebi i češće, a kako bi izbjegli nepoželjno povređivanje djece i omladine,
7. Pružena je podrška mjesnim zajednicama kod kojih je ustanovljeno loše stanje prostora u kom rade (kancelarije), naravno onim MZ koje su pokazale spremnost za sanaciju prostora,

4. Aktivnosti organa mjesnih zajednica

4.1. Rad organa MZ

Broj sastanaka organa mjesnih zajednica

<i>Redni broj</i>	<i>Održano sastanaka Savjeta</i>	<i>Održano sastanaka Skupštine</i>
1.	186	42

Pojedinačni pregled sastanaka po mjesnim zajednicama, nalazi se u tabelarnom prikazu na kraju informacije.

Rad predsjednika i članova organa mjesnih zajednica je uglavnom na volonterskoj osnovi, samo jedan broj mjesnih zajednica isplaćuje simbolične nadoknade za prisustovanje sastancima u vidu putnih troškova i radu odbora i komisija, i ova aktivnost se dovodi u zakonske okvire tako što se prilikom isplata vrše obračuni poreza i doprinosa.

Ukupan broj članova organa mjesnih zajednica je 517, od čega su 157 članovi savjeta, a 360 članovi skupština mjesnih zajednica. Mjesne zajednice u svom radu imaju, razne odbore i komisije koje pomažu u realizaciji planiranih aktivnosti, većinom kroz volonterski rad. To govori o velikom broju građana koji učestvuju u realizaciji planiranih projekata na području općine.

4.2. Realizacija infrastrukturnih projekata

Svoje učešće u realizaciji projekata koje je općina vodila u mjesnim zajednicama uzele su mjesne zajednice i njihovi organi, brojnih aktivisti u građevinskim odborima i građani unutar mjesnih zajednica. Poseban doprinos i veliki obim poslova uzele su mjesne zajednice u kojima se rade veliki infrastrukturni projekti kao što su vodovod Medakovo-Trepče, vodovod Dobropolje Mekiš, Oraš Planje i Roše, a nešto manji doprinos je svakako na realizaciji projekata rasvjete (Mrkotić, Jablanica, Orašje Planje) i asfaltiranja puteva (Kraševo, Šije, Jevadžije itd). Mjesne zajednice su dužne da za realizaciju projekta na području mjesne zajednice predlože kontakt osobu, čiji je zadatak da sarađuje sa menadžerom projekta iz općine na realizaciji projekta. Ova praksa se pokazala ispravnom a u većini slučajeva kontakt osobe su tehnički sekretari MZ.

Doprinos mjesnih zajednica se ogleda kroz kandidovanje projekata, pripremu tehničke dokumentacije, prikupljanje potrebnih saglasnosti za dobivanje odobrenja za gradnju, prikupljanje vlastitog učešća građana za realizaciju projekata, u saradnji sa Službom za katastar, urbanizam i imovinsko-pravne poslove rješavanje imovinsko-pravnih odnosa sa fizičkim licima i sl. Ovom prilikom želimo istaknuti nesebično angažovanje većine izabranih predstavnika mjesnih zajednica zaduženih za realizaciju projekata, što je olakšalo rad kako mjesnim zajednicama tako i menadžerima projekata. O svim realizovanim projektima po mjesnim zajednicama informisano je općinsko Vijeće kroz informaciju o realizaciji liste kapitalnih projekata, a realizacija svakog projekta pojedinačno bila je potpuno transparentna i informacije su bile objavljene na zvaničnoj stranici Općine.

4.3. Rad sekretara mjesnih zajednica

Status sekretara u MZ Jelah, Raduša, Šije, Tešanj i Medakovo je riješen kroz uposlenje na puno radno vrijeme, izuzev što sekretar MZ Vukovo zaposlen na polovinu radnog vremena, dok ostale mjesne sredine zbog obima poslova i nedostatka sredstava, angažuju osobe po potrebi s utvrđenim radnim vremenom, kako bi zadovoljili osnovne potrebe građana. Sa istim su potpisani ugovori o djelu ili obavljanju privremenih i povremenih poslova. Potrebno je naglasiti da su mjesne zajednice usvojile prijedloge izmjena i dopuna Poslovnika o radu Savjeta mjesnih zajednica kojim su definisani način potpisivanja Ugovora o angažovanju sekretara, procedure izbora, opisi poslova i određena ograničenja za lica koja obavljaju poslove sekretara MZ, čime je došlo do povećanja zakonitosti i efikasnosti u radu sekretara i povećano zadovoljstvo građana. Koristeći propisane procedure tokom 2015. godine došlo je do angažovanja novih lica na poslovima sekretara u 4 mjesnih zajednica i to: Miljanovci-

Lončari x2, Karadaglije, Kalošević i Šije x2. Tokom ovih promjena pružena je asistencija svim mjesnim zajednicama koje su tražile sudjelovanje Službe.

Po urađenom auditu budžetskih korisnika utvrđeno je da se sve oporezive isplate fizičkim licima vrše žiralno, po odgovarajućim ugovorima i sa izmirenjem obaveza po osnovu doprinosa i poreza (ukupno 22% sredstava na neto isplate). Preporučenim načinom isplata nadoknada svim fizičkim licima putem žiro računa uz obavezno izmirenje obaveza po osnovu doprinosa i poreza, ne samo da ćemo ispoštovati zakon već će se postići puna transparentnost trošenja sredstava.

4.4. Edukacija predsjednika Savjeta i sekretara mjesnih zajednica

Kao i svake godine Služba koja koordinira rad sa mjesnim zajednicama je za 2015 godinu pripremila Plan edukacije predsjednika Savjeta i sekretara MZ. Isti je razrađen kroz 15 tema u 13 termina isti je realizovan u potpunosti i realizaciju jedne dodatne teme. Evidentno je da je došlo do blagog pada prisustva predsjednika Savjeta na edukacijama te se na ovaj plan sve više gleda kao na Plan edukacije sekretara MZ uz relativno slabo prisustvo predsjednika Savjeta. Najvjerovatniji uzrok slabog odaziva predsjednika Savjeta je taj što se većina predsjednika Savjeta nalazi u radnom odnosu, a edukacije se vrše u radno vrijeme što predsjednicima onemogućava prisustvo. Takođe, primjetan je blagi pad prisustva sekretara MZ na edukacijama (procenat prisustva je bio 81,00% a odsutnost je u većini slučajeva bila najavljena i opravdana), što je pohvalno i podiže stepen odgovornosti samih sekretara i stepen Zakonitosti u radu organa MZ na viši nivo. Još je potrebno naglasiti da zbog povećanog interesovanja i velikog broja postavljenih pitanja najčešće planirano vrijeme za realizaciju edukacije bude u potpunosti iskorišteno, a česta je pojava da se ostalo i duže od planiranog.

Planom edukacije su obuhvaćene slijedeće oblasti:

- Analiza rada organa mjesnih zajednica.
- Rad jedinica civilne zaštite.
- Ekologija i komunalna higijena.
- Elektronska komunikacija.
- Finansijsko poslovanje.
- Rad policije u zajednici.
- Socijalna zaštita.

I za 2016-tu godinu Služba je uradila plan edukacije čija je realizacija u toku, težište će biti usmjereno na primjenu statutarnih odredbi (posebno odredbi prilikom formiranja organa MZ), pojašnjenja odredbi Zakona o građenju, poštivanje Zakona o javnim nabavkama, upravljanje mjesnim vodovodom i sl. Zbog povećanog interesovanja sekretara MZ ovogodišnji plan je urađen kroz 14 tema za realizaciju a koje su uglavnom predložili organi MZ.

5. Pojedinačni pregled MZ-a

5.1. Bobare-Drinčići-Blaževci

Organi MZ kontinuirano radili u skladu sa Statutarnim i Poslovničkim procedurama, a u cilju stvaranja povoljnijih uslova za život i rad stanovnika ove MZ. Tokom prethodne godine glavne aktivnosti u MZ Bobare-Drinčići-Blaževci su bile vraćanje dijela duga za projekte realizovane u prošlosti, bitno je naglasiti da je vraćanje duga za ranije realizovane projekte glavni ometač razvoja sredine ali je takođe lokalno stvorena obaveza i lokalno se mora riješiti. Početkom godine MZ Bobare-Drinčići-Blaževci prema općini uputila inicijativu za uređenje partizanskog spomenika na Križu, općina je podržala ovu inicijativu i novčano pomogla uređenje platoa koje je u potpunosti realizovala MZ. U saradnji sa građanima naseljenog mjesta Blaževci pokrenute aktivnosti za uređenje doma u Blaževcima, građani su prikupili znatna sredstva a organi MZ su pružili administrativnu podršku. U saradnji sa Općinom Tešanj i direktnu novčanu podršku objektu je obezbijeđeno priključenje na vodovodnu i elektromrežu. Pored nabrojanih aktivnosti organi MZ su radili na poslovima održavanja infrastrukture, kako u ljetnim tako i u zimskim uslovima, i već tradicionalno održavaju manifestaciju kulturnog zabavnog i sportskog značaja DANI MJESNE ZAJEDNICE 2015. u znak sjećanja na pogibije prvih boraca – šehida i tekovine odbrambenog rata 92-95. U saradnji sa građevinskim odborom za vodosnabdjevanje

nastoji se obezbijediti kontinuirano vodosnabdijevanje svih korisnika vodovoda, a posebno poljoprivrednih proizvođača čiji broj kontinuirano raste. MZ je pokrivena sa 3.000 m javne rasvjete i sa dva mjerna mjesta. U izvještajnom periodu pokrenute su aktivnosti na pripremama za gradnju spomen obilježja u Drinčićima gdje su urađeni zemljani radovi.

5.2. Bukva

Površina mjesne zajednice je 4,83 km² i prema površini pripada srednje velikim mjesnim zajednicama. Organi mjesne zajednice su izdali dio svojih prostora pod zakup, u istom je pokrenuta proizvodnja a sredstva koja mjesna zajednica ostvaruje po ovom ugovoru uveliko olakšava rad i funkcionisanje organa MZ. Na osnovu ovih sredstava, većeg dijela sredstava doniranih od strane privrednika (Madi 12.000 KM) i pomoći Općine u skladu sa trenutnim mogućnostima organi MZ su u potpunosti realizovali projekat unutrašnjeg uređenja doma MZ i zamjena stolarije i namještaja. U izvještajnom periodu, pored redovnih aktivnosti, organi MZ su radili na: Organizacija manifestacija Dan šehida i Dan MZ; prisustvovanje na dva sastanka sa načelnikom Općine; stalni radovi na uređenju sportskog poligona sa dječijim igralištem u naseljenom mjestu Čifluk; postavljanju rešetke za odvodnju oborinskih voda na putu toplana-Čifluk čime je povećana bezbjednost učesnika u saobraćaju, aktivnosti na ljetnom i zimskom održavanju puteva; konstantno uređenje objekta Šehidskog spomen obilježja i prostora oko zgrade MZ. Tokom izvještajnog perioda, a zbog gradnje glavnog kolektora kanalizacione mreže, bilo je otežano odvijanje saobraćaja kroz cijelo područje MZ a posebno na lokalitetu Grič tj. ulica Nedžada Šaranovića. Organi MZ su konstantno razgovarali sa građanima i apelirali na strpljenje što je i dalo rezultate. Kolovoz u navedenoj ulici je dosta oštećen i pokrenute su aktivnosti na potpunom saniranju istog.

5.3. Dobropolje-Mekiš

Težišne aktivnosti organa MZ su se svodile na nastavak realizacije projekta vodosnabdijevanje cijelog područja MZ, navedeni projekat se u izvještajnom periodu sveo na rješavanja sekundarne mreže prema zahtjevima građana. U izvještajnom periodu potpisano 16 Ugovora sa građanima i 4 Ugovora sa JP RAD Tešanj. Organi mjesne zajednice su vlastitim sredstvima i sredstvima Općine realizovali projekat unutrašnjeg uređenja doma MZ i izgradnje mokróg čvora a kako bi se omogućilo korištenje ovog objekta od strane drugih udruženja koja egzistiraju na području MZ. Treća ali ne manje značajna aktivnost je asfaltiranje puta Aleksići -Mujezinovići III faza koji je finansiran uglavnom sredstvima Budžeta i građana, ovaj projekat u završnoj fazi. Površina mjesne zajednice je 7,73 km² i prema površini pripada srednje velikim mjesnim zajednicama, bitno je napomenuti da je veći dio površine prekriven šumom Crnog vrha a da su objekti uglavnom skoncentrisani u blizini glavnih puteva što omogućava nešto lakše održavanje infrastrukturnih objekata. Nastavljena je aktivnost izgradnje ulične rasvjete pored R474 kao i širenje iste prema unutrašnjosti naseljenog mjesta Mekiš, a u cilju povećanja sigurnosti u odvijanju saobraćaja. Po pitanju regionalnog puta ova aktivnost treba da se završi do kraja 2016 godine. Pored nabrojanih aktivnosti organi ove MZ su radili i koordinaciju poslova na ljetnom i zimskom održavanju puteva, organizaciji sedmičnog druženja sa težištem na druženje žena, čišćenju putnih kanala i uređenju dijela korita rijeke u cilju sprečavanja plavljenja, saniranje i asfaltiranje klizišta na putu Vehabi kod Kadića i sl..

5.4. Džemilić Planje

Površina mjesne zajednice je 6,14 km² i deseta je mjesna zajednica prema površini, geografski je dosta specifična i teška kako za razvoj infrastrukture tako i za održavanje već izgrađene. Organi mjesne zajednice su redovno radili i u skladu sa definisanim Statutarnim i poslovnim procedurama. Bilo je sitnijih nedostataka kao što je kašnjenje u izvještavanju koji su neposredno po upozorenju od strane općine otklanjani. Pohvalan je način organizacije poslova zimskog održavanja puteva koji je na ovom području bio znatno bolji u odnosu na prethodne godine. Težište angažovanja organa mjesne zajednice je bilo na organizovanju ljetnog i zimskog održavanja puteva, saniranja vodovoda koji koristi područna škola a koji je nanosio štetu na putnoj infrastrukturi, saniranja klizišta, praćenje stanja na

području MZ u čemu se ističu aktivnosti na pružanju pomoći jednoj porodici kojoj je izgorila porodična kuća, organizacija manifestacije Planjsko veče koja je postala tradicionalna i prepoznatljiva. Ističe se aktivnost na uređenju platoa Bučje i organizaciju manifestacije Bučje 2015 godine a koja ima za cilj njegovanje sjećanja na odbrambeni rat 92-95, ova manifestacija je imala visoku posjećenost a podržana je od strane Općine. Težišne aktivnosti za narednu godinu će biti završetak izgradnje projekta pumpne stanice i početak aktivnosti na samoj realizaciji projekta čime bi se poboljšao sistem vodosnabdijevanja građana koji žive na ovom području. Inače i zbog ranije naglašene konfiguracije zemljišta i rasporeda naselja unutar same MZ, ova MZ ima još mnogo makadamskih puteva koje konstantno kandidiraju organi MZ i dodatno se angažuju na motivisanju građana da daju vlastito učešće kako bi ovi projekti bili brže realizovani.

5.5. Jablanica

Težišne aktivnosti na području mjesne zajednice Jablanica su bile realizacija kapitalnih projekata od kojih se ističe izgradnja primarnog i sekundarnog voda na vodovodu Roše, uz znatno učešće građana vlastitim sredstvima, izgrađena i puštena u rad druga faza rasvjete koja je građena isključivo sredstvima građana, asfaltiranje dijela puta u naseljenom mjestu Čaglići u dužini od 150 m. Pored navedenih aktivnosti rađeno je na realizaciji projekata zimskog i ljetnog održavanja puteva, održavanja sportskih i dječijih igrališta, stalna saradnja sa udruženjima, školama i džematima sa ovog područja, stalna saradnja sa susjednim mjesnim zajednicama, sastanci sa građanima i posjete socijalno ugroženim stanovnicima, a bitno je napomenuti da je izrađena i puštena u rad Web stranica MZ Jablanica. Iako po površini mjesna zajednica koja spada u grupu velikih MZ sa ukupnom površinom 9,62 km² uz maksimalno zalaganje članova organa MZ uspevaju se riješiti kako organizacioni tako i infrastrukturni zahtjevi građana, naravno u skladu sa raspoloživim sredstvima.

U saradnji sa UG Tragovi Crni vrh i Eko mladi Jablanica, a povodom Dana državnosti BiH organizovana je promocija knjige "I ja sam iz Srebrenice" uz veliku posjećenost i interesovanje građana. Organi mjesne zajednice su uložili maksimalne napore u organizaciju manifestacije Dani mjesne zajednice a u sklopu te manifestacije već tradicionalno se organizuje obilazak prvih linija odbrane na najvišem vrhu Općine Tešanj tt 732 "Crni vrh". Ove godine je na navedenom lokalitetu uz pomoć Općine Tešanj te saradnju MZ Dobropolje Mekiš i Karadaglije izvršeno uređenje platoa te i ove godine organizovana posjeta navedenom platou uz organizovanje časa historije, druženja sa borcima i prepričavanja anegdota vezanih za taj objekat. Bitno je istaći da je iz godine u godinu posjećenost ovoj manifestaciji sve značajnija a manifestacija prelazi u tradiciju. MZ ima manji objekat u kojem je smještena kancelarija, prostorija za sastanke i jedna kancelarija za rad NVO-a Eko mladi. Na području ove mjesne sredine u toku prethodne godine urađen je i pušten u rad jedan dio rasvjete. Prioritet u narednom periodu se odnosi na rješavanje problema vodosnabdijevanja cijelog prostora MZ a za 2016 je planiran puštanje u rad vodovoda Roše. Organi MZ pokazali su posebno interesovanje za informacije oko aktivnosti koje se vode u pripremi za gradnju autoputa na koridoru Vc te je na ovu temu više puta razgovarano sa Općinskom administracijom. Predstavnici MZ u tri navrata tokom godine učestvovali u pripremnim fazama projekta UNDP-a na temu "Jačanje uloge mjesnih zajednica" i dobili visoke ocjene za rad i zalaganje.

5.6. Jelah

Težišne aktivnosti na području mjesne zajednice Jelah bile su realizacija infrastrukturnih projekata, rađeni su projekti asfaltiranja puteva u potočanima i to Zvono-Lučići i dom Potočani- lijevo. Bitno je istaći da je u izvještajnom periodu započeta aktivnost izgradnje puta Rastoke a koji će u budućnosti imati veliki značaj i uticaj na smanjenje gužve u centru Jelaha. Najviše energije u komunikaciji sa MZ Jelah je utrošeno u iznalaženju najkvalitetnijeg rješenja za zonu Centar Jelah, sa osvrtom na izgradnju objekata sportske dvorane i administrativno kulturnog centra, samo po ovom pitanju održano je nekoliko sastanaka Općinskog načelnika sa Savjetom MZ Jelah. Poslije sastanka koji je održan 08.07.2015 godine bio postignut dogovor koji je trebao odblokirati procese i direktno uticati na početak aktivnosti gradnje pomenutih objekata. Nakon ovog sastanka ponovo su predstavnici ZZ Jelah prekršili dogovor i ponovo blokirali navedeni proces. Bitno je naglasiti da su nakon ovoga organi MZ

Jelah donijeli zaključak da daju punu podršku Općini Tešanj na nastavku vođenja postupaka. Objekat starog Doma je predstavljao stalnu prijetnju za građane te se u saradnji sa predstavnicima MZ pristupilo rušenju istog kako bi se spriječilo eventualno povređivanje građana, a na toj lokaciji uređen je parking prostor. Kancelarija MZ Jelah još uvijek je smještena u prostorijama Općinskog ureda Jelah. Organi MZ Jelah tokom cijele godine organizuju razne sadržaje kulturnog, sportskog i drugih sadržaja te aktivnosti oko Projekta harmonizacije katastra i gruntovnice a Općina Tešanj uglavnom pruža podršku svim ovim aktivnostima posebno bih istakli manifestacije: Dani otpora, prvomajska proslava, Jelaško ljeto, doček nove godine i druge. Težište organa MZ Jelah u narednom periodu bit će usmjereno kako na realizaciju spomenutih projekata, tako i na realizaciju projekta kanalizacije, početak aktivnosti oko projektovanja mosta "Lejle Mulalić", asfaltiranje puteva, gradnja rasvjete u Potočanima, nastavak radova na putu Rastoke te organizacija kulturno, sportskih i drugih sadržaja. Potrebno je napomenuti da je krajem godine, a zbog neizmirenja svojih obaveza od strane ZZ Jelah, pokrenut upravni postupak za izmirenje potraživanja za vođenje pijace (cca 10.000 KM), a daljnje aktivnosti na upravljanju pijacom su dogovorene sa zanatskom zadrugom "OPZ Kapi života"

5.7. Jevadžije

Mjesna zajednica Jevadžije se prostire na površini od 2,19 km² i predstavlja jednu od najmanjih MZ na području Općine Tešanj. Kao takva prilično je infrastrukturno uređena. Glavna aktivnost u izvještajnom periodu je bila asfaltiranje 250m N.C. „Hrnjići” uz znatno učešće građana u sufinansiranju izgradnje istog i stalnu koordinaciju sa Općinskim službama na rješavanju organizacionih i imovinskih problema. Slijedeća jako bitna aktivnost je organizovanje sastanaka sa JP "RAD" Tešanj i predstavnika Općine u cilju rješavanja problema "bazena" a između ostalog izbetoniran je dio kanala što bi trebalo smanjiti prijave građana na pojavu vode, ove aktivnosti će biti nastavljene i u narednom periodu. U izvještajnom periodu, u saradnji sa Općinom, popravljena je mreža na sportskom poligonu na dvije strane, postavljeno je autobusno stajalište kao i vibracione trake na L.C. Organi mjesne zajednice, pored nabrojanih aktivnosti, još su bili angažovani i na poslovima zimskog i ljetnog uređenja puteva, proljetno čišćenje prostora MZ, kontinuirano održavanje centralnog dijela MZ, učešće u obilježavanju važnijih datuma i sl. U narednom periodu aktivnosti organa mjesne zajednice će biti usmjerene pored redovnog održavanja i na gradnju na Karahodžići te projekat gradnje ulične rasvjete kroz MZ. Rad organa mjesne zajednice bio je na dobrom nivou, stalna komunikacija MZ-Općinska administracija rezultira bržim i efikasnijim rješavanjem poslova.

5.8. Kalošević

U izvještajnom periodu organi MZ Kalošević u saradnji sa udruženjima građana koja egzistiraju na području ove MZ realizovali mnoštvo aktivnosti a izdvojili bi sledeće: u saradnji sa SRD Blinker i OŠ realizovana akcija proljetnog uređenja mjesne zajednice koja je bila jedna od najopširijih i dala je velike rezultate, organizacija poslova zimskog i ljetnog održavanja puteva i ugradnje vibracionih traka, organizacija već tradicionalne manifestacije Dani mjesne zajednice, izvršena nabavka i stavljanje u rad hlorne stanice u Putešiću, u saradnji sa lovačkom sekcijom pokrenuta aktivnost na sanaciji Doma u Komušancima, postignut dogovor sa KTV Ege oko korištenja stubova, putem Općine konstantno traženo uređenje obaloutvrda na rijeci Usori, u koordinaciji sa knjigovodstvenim servisom definisane radnje koje se trebaju poduzeti u cilju zakonitog upravljanja vodovodom, a tokom godine potpisana su četiri nova ugovora za priključak na vodovod. Od kapitalnih projekata sa liste kapitalnih realizovan je asfaltiranje puta Asimova kuća- Greblje izlaz na put za Bobare u dužini od 150 m. Tokom godine, tačnije 01.04.2015. godine, usljed bolesti, sekretar MZ je ponudio Savjetu neopozivu ostavku, prestao je da ide na posao a pohvalno je što je i pored ostavke povremeno obavljao poslove za potrebe Općine i MZ. Kao privremeno rješenje poslove sekretara je počela da obavlja jedan od članova Savjeta do

provođenja poslovnikom propisanim procedura, pošto je jedan pokušaj izbora propao, Savjet MZ je ponovo, krajem godine, pokrenuo i završio proceduru izbora novog sekretara MZ.

5.9. Karadaglije

MZ nema izgrađenog društvenog doma, a kancelarija smještena u objektu stare ambulante koji je u lošem stanju, tokom godine nastavljene su aktivnosti na uređenju prostorija koje će koristiti organi MZ i udruženja građana sa ovog područja. Osnovni problem u radu organima ove mjesne zajednice predstavlja visok dug za realizaciju projekata iz ranijeg perioda, te se sva sredstva od koncesija i pripadajuća sredstva sa liste za kapitalna ulaganja a koja pripadaju MZ Karadaglije preusmjeravaju ka vraćanju duga iz ranijeg perioda. Površina mjesne zajednice je 12,69 km² i prema površini pripada velikim, tačnije druga mjesna zajednica, bitno je napomenuti da je veći dio površine prekriven šumom Kiseljaka i obronaka Crnog vrha a da su objekti uglavnom skoncentrisani u blizini glavnih puteva što omogućava nešto lakše održavanje infrastrukturnih objekata. Tokom godine započet je projekat izgradnje Šehidskog spomen obilježja i isti se planira završiti u narednom periodu. Organi MZ su i ove godine organizovali "Prvomajski uranak" na lokalitetu izletišta Kiseljak sa namjerom da ovoj manifestaciji pokušaju vratiti prijeratnu posjećenost. Organi MZ pokazali su posebno interesovanje za informacije oko aktivnosti koje se vode u pripremi za gradnju autoputa na koridoru Vc te je na ovu temu više puta razgovarano sa Općinskom administracijom. Organi MZ su imali problema u održavanju sjednica Skupštine MZ najčešće zbog nedostatka kvoruma, održavanje iste omogućeno tek iz trećeg pokušaja. Tokom Juna mjeseca MZ ostaje bez lica koje je angažovano na poslovima tehničkog sekretara, provedena procedura i izvršen izbor novog sekretara MZ. Težište u narednom periodu će biti pored vraćanja dugovanja iz ranijeg perioda i završetak radova na asfaltiranju puteva Beše-Bahtići i nastavak radova na gradnji pješačke staze .

5.10. Kraševo

U izvještajnom periodu organi mjesne zajednice težište aktivnosti usmjerili na realizaciju kapitalnih projekata kako prenesenog projekta asfaltiranja puta Čolići tako i asfaltiranje puta Bare, prilikom realizacije ovih projekata, potrebno je naglasiti značajno učešće mještana u sufinansiranju oba naznačena projekta, sredstva prikupljena od građana skoro da su dostigla iznos sredstava izdvojenih iz Budžeta Općine. Organi MZ su organizovali i realizovali višednevnu manifestaciju Dani mjesne zajednice, a podršku je pružio i Općinski načelnik kako finansijski, tako i u obezbjeđivanju prisustva uposlenika općine na značajnijim sadržajima manifestacije, ove godine je u sklopu manifestacije upriličena i aktivnost otvorenja asfaltiranih puteva. Organi MZ su imali problema u održavanju sjednica Skupštine MZ najčešće zbog nedostatka kvoruma, za održavanje iste stvoreni su uslovi u trećem pokušaju ali sjednica nije održana jer se nije mogao usvojiti dnevni red a zbog ovog propusta u nekoliko navrata su upozoreni organi MZ Kraševo. Ovaj problem nije bitno uticao na rad Savjeta i svi projekti koje je planirao Savjet kao i poslovi koji su delegirani od strane Općine su riješeni na vrijeme. Jedan od problema koji je konstantno opterećavao rad organa MZ je i razgraničenje tj. utvrđivanje stvarnih granica između naseljenih mjesta Kraševo i Tešanjka jer dolazi do nesuglasica u nadležnostima (najčešće prilikom održavanja putnih komunikacija) u dijelu Starog Kraševa. Predstavnici MZ tokom godine učestvovali u pripremnim fazama projekta UNDP-a na temu "Jačanje uloge mjesnih zajednica" i dobili visoke ocjene za rad i zalaganje.

5.11. Ljetinić

Mjesna zajednica Ljetinić se prostire na površini od 2,10 km² i prema površini predstavlja najmanju MZ na području Općine Tešanj. Kao takva prilično je infrastrukturno uređena što olakšava održavanje infrastrukture. Faktički je sastavljena od dvije cjeline, Alibalići i Čamdžići, sa uređenom putnom infrastrukturom. Organi mjesne zajednice su izdali pod zakup veći dio svojih prostora pod zakup, u istom je pokrenuta proizvodnja a sredstva koja mjesna zajednica ostvaruje po ovom ugovoru uveliko olakšava rad i funkcionisanje organa MZ. Pored redovnih aktivnosti organa MZ na zimskom i ljetnom održavanju puteva, uređenju objekta MZ, organi MZ su težište svojih aktivnosti usmjerili na

nastavak asfaltiranja puta Šljunkara, a u saradnji sa Općinom Tešanj pokrenuto je uređenje sportskog poligona sa rekreativnim sadržajem. Učešće Općine se ogledalo kako u finansijskoj podršci same realizacije projekta tako i u davanju saglasnosti za nesmetano korištenje navedenog prostora na kom se već nadzire jedan fino osmišljen i uređen prostor a na isti je izmješteno i dječije igralište na čiju raniju lokaciju je bilo niz primjedbi. U izvještajnom periodu MZ je započela aktivnosti organizovanja manifestacije Dani MZ. Pokrenute su i aktivnosti na uređenju dva vodotoka potoka a u cilju sprečavanja plavljenja poljoprivrednih dobara i dijela MZ Žabljak ali se nisu riješili imovinski odnosi tako da ovaj projekat nije ni započeo sa realizacijom, u narednom periodu nastavit će se razgovori sa vlasnicima parcela kako bi i ovaj projekat bio završen.

5.12. Medakovo

Mjesna zajednica Medakovo se prostire na površini od 5,24 km² i prema površini pripada grupi srednje velikih MZ na području Općine Tešanj. Prilično je kompleksna svojom konfiguracijom i geopoložajem što uveliko usložnjava rad organa MZ kod planiranja projekata. Prostor od 600 m² je izdat pod zakup, MZ ostvaruje značajne prihode od zakupa prostora što im uveliko olakšava rad. Ovi prihodi su MZ omogućili da ima uposleno lice na poslovima tehničkog sekretara MZ. Kapitalni projekti su se bazirali na realizaciju projekta izgradnje vodovoda Medakovo-Trepče koji ulazi u završnu fazu, a tokom realizacije dijela projekta stvarani su problemi u održavanju putne infrastrukture i odvijanju saobraćaja. Pored navedenih aktivnosti rađeno je na realizaciji projekata zimskog i ljetnog održavanja puteva, održavanja sportskih i dječijih igrališta, stalna saradnja sa udruženjima, školama, džematima i privrednicima sa ovog područja, stalna saradnja sa susjednim mjesnim zajednicama i sastanci sa građanima a sve u cilju što efikasnije realizacije projekata i razvoja cijelog područja MZ. I ove godine je u saradnji sa Općinom Tešanj organizovana manifestacija Dani mjesne zajednice. Aktivnost izgradnje vodovoda ostaje prioritarna i za naredni period, realizacija i završetak istog uveliko zavisi od učešća građana u gradnji. Pored ovog projekta nastojat će se realizovati projekti asfaltiranja puta Prljuga te započeti radove na projektu izgradnje javne rasvjete. Organi MZ pokazali su posebno interesovanje za informacije oko aktivnosti koje se vode u pripremi za gradnju autoputa na koridoru Vc, planiranoj petlji na ovom području, te je na ovu temu više puta razgovarano sa lokalnom upravom. Predstavnici MZ tokom godine učestvovali u pripremnim fazama projekta UNDP-a na temu "Jačanje uloge mjesnih zajednica" i dobili visoke ocjene za rad i zalaganje.

5.13. Miljanovci-Lončari

Mjesna zajednica Miljanovci Lončari se prostire na površini od 4,72 km² i prema površini pripada grupi malih MZ na području Općine Tešanj, ali je zbog visokog stepena izgrađene infrastrukture prilično uređena. Težišne aktivnosti organa MZ su bile usmjerene na rješavanje imovinsko pravnih odnosa u cilju izgradnje projekta trotoara pored LC. Pored ovog projekta organi MZ su radili na organizovanju održavanja puteva kako u zimskom tako i u ljetnom periodu, pružanju podrške u radu mjesne ambulante, saniranja dijela klizišta koja su direktno ugrožavala odvijanje saobraćaja djelimično saniranje objekta (aktivnost treba da se nastavi i u narednom periodu), te mnoštvo drugih aktivnosti koje za cilj imaju poboljšanje uslova za život i rad građana koji žive na ovom prostoru. U izvještajnom periodu uz maksimalno poštivanje propisanih procedura u dva navrata vršen izbor tehničkog sekretara MZ. Razlog prvog izbora bila je ostavka prethodnog sekretara, dok je u drugom slučaju razlog bio udaja i preseljenje sekretara na područje druge MZ. MZ posjeduje dva društvena Doma, u jednom su smješteni Ambulanta i kancelarija MZ, dok drugi dom, koji se nalazi na Palučku koriste pored organa MZ i udruženja građana koja egzistiraju na ovom području. U narednom periodu planira se nastavak radova na sanaciji putne komunikacije na dionici Osnovna škola-Sarači. Kroz niz održanih sastanaka precizirane su radnje koje treba da poduzmu organi mjesne zajednice kako bi zatvorili nezatvorena potraživanja.

5.14. Mrkotić

Težište aktivnosti organa mjesne zajednice u izvještajnom periodu su bile realizacija kapitalnog projekta asfaltiranja puta Žiže-Kukoljovac, koji je realizovan sredstvima Općine te projekta javne rasvjete koja je realizovana sredstvima građana, a postavljeno je 287 rasvjetna tijela. Općina je pružila pomoć u plaćanju priključnog mjesta i preuzimanju plaćanja troškova električne energije. Mjesna zajednica Mrkotić uz podršku Općine Tešanj je bila domaćin prve realizacije edukacije predsjednika Savjeta i sekretara MZ “na otvorenom”, a ista je realizovana na stazi zdravlja i jezeru Mrkotić uz maksimalne pohvale svih prisutnih. Cilj je bio upoznavanje sa prirodnim ljepotama naše općine. Pored ovih aktivnosti MZ je i ove godine organizovala aktivnosti na proljetnom uređenju, zimskom i ljetnom održavanju puteva kao i organizaciju manifestacije Dan MZ sa težištem na sjećanje na one koji su dali svoje živote tokom odbrane ovih prostora. Organi mjesne zajednice upozoreni na obavezu slanja opštih i finansijskih izvještaja te poslije upozorenja, a nakon što je utvrđeno da nije bilo napretka došlo je do obustave uplate sredstava za rad organa MZ, nakon preduzete ove mjere stanje se znatno popravilo. Pohvalan je odnos ove mjesne zajednice sa udruženjima građana sa ovog područja, a iz te saradnje realizovan je projekat videonadzora i rasvjete ulaza u MZ i prostora u blizini jezera. Težište aktivnosti u narednom periodu, pored organizovanja već spomenute manifestacije, svakako će biti realizacija projekta Jezero- Kalošević koji je kandidovan kao zajednički projekat ove dvije MZ. Jedno od gorućih pitanja, a koje će u budućnosti morati da se uradi je upravljanje mjesnim vodovodom. Istim trenutno upravlja građevinski odbor a snabdjeva se sa zajedničkog bunara zajedno sa MZ Kalošević i Bobare-Drinčići-Blaževci.

5.15. Novi Miljanovci

U izvještajnom periodu a prema ranije potpisanim Sporazumu o izmirenju međusobnih potraživanja sa Asfaltgradnjom Visoko, u potpunosti je izmiren dug po realizovanim projektima iz ranijeg perioda u nešto većem iznosu od 25000 KM, a sredstva su izdvojena iz kapitalnih sredstava namjenjenih ovoj MZ, sredstava koja je MZ prikupila svojim aktivnostima te akontativnom isplatom sredstava za redovne aktivnosti organa MZ. Prikupljena je potrebna dokumentacija od Općinskog suda koja garantuje da nema mogućnosti da dođe do ponovnog potraživanja sredstava po ovom osnovu, a čime su nakon dužeg vremena stvoreni normalni uslovi za kako rad organa MZ tako i za razvoj ove sredine. Krajem godine predsjednik Savjeta MZ podnosi neopozivu ostavku te je pokrenuta procedura za imenovanje novog predsjednika. Takođe, krajem godine i sekretar MZ podnosi ostavku te je raspisan oglas za izbor novog sekretara a u skladu sa poslovníkom o radu Savjeta. Površina mjesne zajednice je 4,15 km² i prema površini pripada malim mjesnim zajednicama, objekti su uglavnom skoncentrisani u blizini komunikacija što predstavlja olakšicu prilikom održavanja objekata infrastrukture. Kroz niz održanih sastanaka precizirane su radnje koje treba da poduzmu organi mjesne zajednice kako bi zatvorili nezatvorena potraživanja. U narednom periodu težište rada organa MZ, pored redovnog održavanja, svakako će biti realizacija projekta asfaltiranja puta Donja mahala-Gobelja te održavanje manifestacije dan MZ.

5.16. Novo Selo

Težište aktivnosti u izvještajnom periodu je bilo na realizaciji kapitalnih projekata, organizacija manifestacije Dani MZ, aktivnosti na zimskom i ljetnom održavanju puteva, organizacija tradicionalnog Mevluda za poginule borbe-Šehide, kao i kandidovanje projekata za realizaciju kako sa nivoa Općine tako i sa viših nivoa. U izvještajnom periodu a zbog gradnje glavnog kolektora kanalizacione mreže, bilo je otežano odvijanje saobraćaja kroz cijelo područje MZ, po završetku ovih radova izvršeno asfaltiranje trotoara pored LC Tešanj-Tešanjka u dužini od 500 metara čime je povećana bezbjednost učesnika u saobraćaju, a posebno dijece školskog uzrasta. Iz vlastitih sredstava i uz podršku od strane Općine izvršena je djelimična sanacija objekta društvenog doma u dijelu vanjskog izgleda, čime je poboljšana ukupna slika ovog dijela mjesne zajednice. Područje mjesne zajednice se snabdijeva pitkom vodom sa vodovoda Rosa i nije bilo problema u snabdijevanju. U izvještajnom periodu organi mjesne zajednice nekoliko puta upozoreni na obavezu redovnog dostavljanja zapisnika sa sastanaka. U narednom periodu težište aktivnosti ove MZ će biti usmjereno u gradnju sportskog poligona na lokalitetu Šumer.

5.17. Orašje Planje

Glavne aktivnosti u izvještajnom periodu su vođene oko projekta vodosnabdijevanja kroz rješavanje instaliranje opreme i puštanje u probni rad sistema za prečišćavanje, iskop kanala i polaganje cjevovoda od centralnog bazena do postojeće vodovodne mreže u Mahalbašićima, Provođenje javne rasvjete u Huskićima, na potezu Ćorići-Hatkići i Mahalbašići, organizacija obilježavanja dana šehida u mjesnoj zajednici Orašje Planje te pripreme za izgradnju sportskog igrališta u Huskićima i Katinom brdu sa sa klupama i stazama za šetanje i rekreaciju. Bitno je napomenuti da je u svim ovim aktivnostima bilo značajnog učešća građana u sufinansiranju. Organi MZ imaju izdat dio prostora u zakup, a sredstva prikupljena po tom osnovu uveliko olakšavaju rad i potpomažu razvoj sredine na način da se ulažu u razvojne projekte. Pored nabrojanog organi MZ su uložili napore u realizaciju projekta saniranja korita planjske rijeke. Posebno opterećenje u radu MZ Orašje Planje predstavlja dug iz ranijeg perioda, potpisani su sporazumi kojima je produžen rok otplate, a procjene su da će dug biti u potpunosti izmiren do 2019. godine, naravno ako se bude vraćao dosadašnjom dinamikom. Težište aktivnosti u narednom periodu bit će usmjerene ka vraćanju dugovanja za projekte iz ranijeg perioda, početak gradnje sportskog poligona te nastavak radova na modernizaciji sistema vodosnabdijevanja.

5.18. Piljužići

Najveći problem u radu mjesne zajednice predstavljali su narušeni međuljudski odnosi koji nisu bili izazvani postupcima organa mjesne zajednice ali su u značajnoj mjeri otežali vođenje projekata. Shodno navedenom u izvještajnom periodu nije održana sjednica Skupštine MZ, nekoliko puta organi MZ upozoreni na obavezu održavanja iste ali to nije bilo moguće zbog nedostatka kvoruma. Težište angažovanja je bilo usmjereno na asfaltiranje puta Sole-Zovke, obilježavanje Dana MZ i tradicionalnog malonogometnog turnira uz podršku od strane Općine, urađena javna rasvjeta na dionici Piljužići-polje u dužini 1700 m, Sole-Zovke u dužini od 900 m i Piljužići- Progoni u dužini od 500 m a uglavnom sredstvima građana. Pored ovog bitno je uraditi da je nesebičnim zalaganjem pojedinih članova savjeta i saradnjom sa Službom CZ Općine Tešanj prikupljena odobrenja i realizovan projekat uređenja vodotoka potoka i rječica na skoro čitavom području MZ a u cilju zaštite od poplava tako da je povećana sigurnost ljudstva i imovine. U narednom periodu težište aktivnosti će biti usmjerene na asfaltiranju dijela puta Sole Zovke. Uz podršku Općine nastavila je sa radom ambulanta Piljužići, a podrška MZ se ogleda kroz održavanje prostorija iste, plaćanje režija te obezbijedenje ogrijeva u zimskim uslovima.

5.19. Raduša

Mjesna zajednica Raduša je u 2015. godini vodila niz aktivnosti, one su se odnosile na realizaciju kapitalnih projekata a izdvojili bi: stalni kontakt sa JP."Rad" Tešanj i Općinom vezano za priključenje objekata i domaćinstava na kanalizaciju Raduša, završena je rekonstrukcija i asfaltiranje puta "Uno"- Mehuljići-Mešići, Povodom organizovanja otvorenja džamije urađena je rekonstrukcija društvenog doma (unutrašnje uređenje) uz veliko učešće građana vlastitim sredstvima, Uz podršku Općine urađena je i djelimična sanacija krova ove zgrade, nastavljene su aktivnosti na gradnji rasvjete i to završetak iste pored LC i aktivnosti izgradnje javne rasvjete u podružnicama Donje Sejmenpolje i Dolac. Pokrenute su aktivnosti i gradnje mosta na ulazu u podružnicu Kotlanice što će građanima ove podružnice poboljšati uslove života, te aktivnosti stalne koordinacije sa općinskom upravom a u cilju održavanja putne infrastrukture kako u zimskim tako i u ljetnim uslovima, poslove ekologije, pružanje podrške građanima a urađen je i projekat vodosnabdijevanja čijom ćemo realizacijom znatno poboljšati kvalitet življenja na području ove MZ. Površina mjesne zajednice je 19,95 km² i prema površini je najveća mjesna zajednica, ovo dodatno usložnjava rad organa MZ jer su i poslovi rasprostranjeni, a interesi građana na različitim dijelovima MZ različiti. Ono šta je predstavljalo problem u radu je nedovoljan angažman Skupštine MZ Raduša, kao i teško održavanje sjednica zbog

učestalost odsustva članova. Ovo uzrokuje da sva briga i problemi u Mjesnoj zajednici padnu na leđa Savjeta odnosno njegovog predsjednika i sekretara. Sekretar radi kao uposlen na puno radno vrijeme a problem predstavlja nedostatak financijskih sredstava. Na prostoru MZ egzistira vodovod „Bukovac“ kojim upravlja Udruženje građana a voda se koristi kao tehnička. Dostavljen hodogram za zadovoljavanje Zakonitih odredbi u upravljanju vodovodom te dostavljene instrukcije za otklanjanje nedostataka. Težište aktivnosti u narednom periodu bit će usmjereno na početak radova na gradnji novog vodovoda, završetak rekonstrukcije i asfaltiranja puta "Uno"-Mehuljići-Mešići”.

5.20. Rosulje

Mjesna zajednica Rosulje je u izvještajnom periodu provela niz aktivnosti u cilju stvaranja uslova za kvalitetniji život i rad stanovnika ove MZ, dio objekta MZ, tačnije prizemlje, je izdato pod zakup što uveliko olakšava kako rad organa MZ tako i realizaciju nekih od projekata koje. Pored redovnih aktivnosti koje podrazumjevaju redovnu sanaciju makadamskih puteva i udarnih rupa na asfaltu, čišćenje kanala i drugih aktivnosti koje se provode u sklopu ljetnog održavanja puteva, te provođenja procedure izbora najpovoljnijeg izvođača na zimsko održavanje puteva za sezonu 2015/2016 godina, vođene su i brojne druge aktivnosti od kojih bi izdvojili: učestvovanje u pripremnim aktivnostima vezanim za čišćenje korita rijeke Radušice, akcija proljetnog čišćenja, učestvovanje u organizovanju manifestacije „Dani otpora 2015“, aktivnosti na izgradnji rasvjete na dva pravca „Sankovac-Agići-Glavaši“ i „Autobuska stanica-Dom kulture. Od sredstava Mjesne zajednice je finansiran projekat postavljanja 42 rasvjetna mjesta (po 21 na svakom od dva poteza), te 20 stubova (po 10 na svakom pravcu) a ostatak su sredstva građana. Uspostavljena je redovna saradnja sa općinom Tešanj i nadležnim Službama ali i sa drugim pravnim licima i institucijama. U narednom periodu težište će biti završetak asfaltiranja puta Agići-Bajina glava-stara cesta. Bitno je napomenuti da je u toku izgradnja poslovne zone na području ove MZ, a u protekloj godini urađeno ja 750 m nove saobraćajnice.

5.21. Šije

Na osnovu usvojenog Plana rada i aktivnosti MZ Šije za 2015godinu od strane Savjeta i Skupštine MZ Šije, u izvještajnom periodu realizovane su sledeće aktivnosti: Izvršeno je produživanje Vodoprivredne dozvole za mjesni vodovod Ponikva, izmjena i dopuna Pravilnika o upravljanju, održavanju, korištenju mjesnog vodovoda „Ponikva“ kao i o načinu i uslovima na priključak na mjesni vodovod, a vezano za hidrant; izvršeno je čišćenje oko izvorišta u proljeće, ograđeno novom ogradom, uređeno samo izvorište "Studenac"i korito Ponikve, nabavka novih pumpi i elektro ormara za Orahovac, te je u toku instaliranje istih; redovno održavanje; izvršeno je instaliranje Softwera za obračun i praćenje potrošnje vode je pušten u rad na samom kraju godine. Upravljanje vodovodom je u potpunosti dovedeno u Zakonske okvire, a sredstva prikupljena od potrošnje vode se ulažu u održavanje vodovoda a višak prihoda se usmjerava na daljnji razvoj infrastrukture ove MZ. Urađeno novih 700 metara kanalizacione mreže na potezu Halilovići-Omići, te su pokrenuti intenzivni razgovori o načinu upravljanja istom i mogućnost priključka građana na završeni dio kanalizacije. Sa Školom je upućen dopis nadležnom ministarstvu za izgradnju dvorane, sa predračunom radova i spremnosti za sufinansiranje. Bitno je napomenuti da je mnogo aktivnosti vođeno oko otklanjanja posljedica elementarne nepogode, a težište je bilo zbrinjavanje tri porodice čije su kuće proglašene neuslovnim i nesigurnim za daljnje življenje. Organi MZ realizovali su manifestaciju dani MZ. Organi MZ i u ovoj godini planiraju nastavak započetih aktivnosti naravno u skladu sa budžetskim mogućnostima. Tokom godine u tri navrata je rađena zamjena tehničkog sekretara, a poštujući procedure koje su propisane poslovnikom o radu savjeta MZ. Izvršen je reorganizacija Savjeta a bitno je napomenuti da delegirani članovi Savjeta ispres S BiH i SDP već nekoliko sjednica ne učestvuju u radu ovog organa MZ. Inače, područje ove MZ obuhvata površinu od 9,25 km² i peta je MZ po površini, kroz istu prolazi i magistralni put M17 što usložnjava procedure gradnje nekih projekata kao što su Trotoar i sl. U vezi ovog pitanja konstantno se šalju dopisi federalnoj direkciji cesta i razgovara sa Općinom kako bi se povećala bezbjednost učesnika u saobraćaju.

5.22. Tešanj

Težišne aktivnosti koje su vođene se odnose na realizaciju infrastrukturnih projekata od kojih izdvajamo vodovod Hrvatinići-visinska zona, vodovod u ulici Meše Selimovića uz učešće građana u gradnji kao i asfaltiranje iste, toplifikacija gradske zone -grana 9, aktivnosti oko Projekta harmonizacije katastra i gruntovnice, potpisan ugovor za gradnju vodovoda Joldići gdje su građani uzeli učešće, sanacija mosta kod JP Rad zajedno sa MZ Raduša, i redovi poslovi kao što su obilježavanje 15. i 27. noći Ramazana, redovan obilazak terena sa evidentiranjem problema i nedostataka, obrada zahtjeva i molbi građana itd. Problemi u radu nisu zabilježeni ali je MZ Tešanj upozorena zbog nepoštivanja statutarnih i poslovnčkih procedura nakon što je donijela Odluku o prestanku mandata jednom od članova savjeta, poslije pismenog upozorenja od strane Službe koja prati rad MZ, Skupština mjesne zajednice otklonila uočene nedostatke i svoj rad vratila u zakonske okvire koji su definisani Statutom MZ. Tokom izvještajnog perioda rađen je glavni vod kanalizacije te rekonstrukcija Titove ulice, isto je stvorilo značajne probleme građanima u odvijanju saobraćaja kao i normalne životne tokove. Građani su pokretali razne inicijative i uzimali aktivno učešće u javnim raspravama. Sekretar MZ je uposlen na puno radno vrijeme i stoji na raspolaganju građanima. MZ ima dodatne prihode koje ostvaruje na osnovu izdavanja u zakup parkinga i dijela prostorija u zgradi MZ. U narednom periodu težište aktivnosti će biti usmjereno na nastavak asfaltiranja na Ravne-Ošljak, nastavak radova na gradnji vodovod Hrvatinići i pomoć u realizaciji projekata od općeg značaja.

5.23. Tešanjka

MZ u izvještajnom periodu pored redovnih aktivnosti definisanih statutom i poslovnikom, uložila napore na održavanju puteva kako u zimskom tako i u ljetnom periodu, izradi propusta Čeki most, održavanju Julskih manifestacija, više sastanaka je organizovano i realizovano koji su za cilj imali dovođenje u Zakonite okvire rad vodovoda Tešanjka međutim nisu postignuti očekivani rezultati, održavanju šehidskih spomen obilježja, podržavanju rada sportskog društva NK „Pobjeda“ i KUD-a „Behar“, Vrtića, OŠ „Kulin Ban“, džematskih odbora Lepenica i Tešanjka. Proširen je sistem grijanja tčime su stvoreni uslovi za izdavanje prostora a samim tim i dodatna sredstva za rad organa MZ. Između ostalog od ovih sredstava je izvršena nabavka projektor za potrebe MZ i popravka dijela krova i čišćenje oluka na domu te održavana ostala imovina MZ. U saradnji sa omladinom a uz podršku Općine sanirani je dio školske ograde na dječijem igralištu u Lepenici, asfaltiran je dio puta Numera Bedaci kao glavni kapitalni projekat u ukupnoj dužini 140m. MZ je redovno održavala sastanke i o svim aktivnostima izvještavali Općinu Tešanj. Težište aktivnosti u narednom periodu je nastavak radova na asfaltiranju puta Bedaci-Numera u pokušaju da se isti završi, održavanje rasvjete, koordinacija sa udruženjima itd. Takođe je u saradnji sa Općinom i udruženjima građana realizovano niz manifestacija od kojih bi posebno istakao obilježavanje 8.oktobra Dana mjesne zajednice i sjećanje na žrtve aviobombardovanja. MZ je organizovala aktivnost i aktivno učestvovala u akciji prikupljanja pomoći Muminović Ajdinu, u ukupnom iznosu 68.604 KM a rezultat je uspješno završena operacija u Italiji. Predstavnici MZ u tri navrata tokom godine učestvovali u pripremnim fazama projekta UNDP-a na temu “Jačanje uloge mjesnih zajednica” i dobili visoke ocjene za rad i zalaganje. Potrebno je napomenuti da je krajem godine, a zbog neizmirenja svojih obaveza od strane ZZ Jelah, pokrenut upravni postupak za izmirenje potraživanja za vođenje pijace (cca 3000 KM), a daljnje aktivnosti na upravljanju pijacom su dogovorene sa zanatskom zadrugom “OPZ Kapi života”.

5.24. Trepče

Mjesna zajednica Trepče se prostire na površini od 8,60 km² i prema površini pripada grupi velikih MZ na području Općine Tešanj. Prilično je kompleksna svojom konfiguracijom i geopoložajem što uveliko usložnjava rad organa MZ kod planiranja projekata. Veliki dio prostora kojim upravljaju je izdat pod zakup, MZ ostvaruje značajne prihode od zakupa prostora što im uveliko olakšava rad. Kapitalni projekti su se bazirali na realizaciju projekta izgradnje vodovoda Medakovo-Trepče koji ulazi u završnu fazu, a tokom realizacije dijela projekta stvarani su problemi u održavanju putne infrastrukture i odvijanju saobraćaja. Pored navedenih aktivnosti rađeno je na realizaciji projekata

zimskog i ljetnog održavanja puteva, održavanja sportskih i dječijih igrališta, stalna saradnja sa udruženjima, školama, džematima i privrednicima sa ovog područja, stalna saradnja sa susjednim mjesnim zajednicama i sastanci sa građanima a sve u cilju što efikasnije realizacije projekata i razvoja cijelog područja MZ. MZ je izradila idejne projekte sportskih terena na dvije lokacije a u saradnji sa Općinom urađena je analiza istih sa ciljem izbora povoljnije lokacije za gradnju u narednom periodu. I ove godine je u saradnji sa Općinom Tešanj organizovana manifestacija Dani mjesne zajednice. U izvještajnom periodu dušlo je do smjene predsjednika Skupštine pri čemu su u potpunosti ispoštovane propisane procedure . Aktivnost izgradnje vodovoda ostaje prioritetna i za naredni period, realizacija i završetak istog uveliko zavisi od učešća građana u gradnji. Pored ovog projekta nastojat će započeti radove na projektu izgradnje javne rasvjete.

5.25. Vukovo

Težište aktivnosti MZ vukovo u izvještajnom periodu odnosilo se na realizaciji projekata izgradnje kanalizacija Joha-Radušica u dužini 500 metara, čišćenju i ponovnom polaganju 200 metara kanalizacije koja je bila zapušena, asfaltiranju 110 metara puta na dionici Banovni-Pašići, vođena aktivnosti na zimskom održavanju puteva kao i održavanje makadamski puteva obilježavanje dana MZ i pintbool turnira “Adem Omahić Omaha”, kao i tradicionalno obilježavanje ramazanskog Bajrama izvršena sanacija propusta na Marin Hanu u saradnji sa Službom CZ Općine Tešanj koji je odvodio otpadne vode i niz drugih aktivnosti koje su neophodne za rad MZ . MZ se prostire na površini 3,27 km² i spada u kategoriju malih MZ po površini ali je svojim geopolazajem smještena na čvorištu između Tešnja Jelaha i Tešanjke, što ima svoje prednosti i nedostatke. Izuzetno je frekventno područje ali je takođe i infrastrukturno dosta dobro uređena mjesna zajednica. Sekretar MZ je uposlen na polovinu radnog vremena. Tokom godine nisu zabilježena kašnjenja u održavanju sastanaka niti je bilo donošenja odluka koje nisu u skladu sa definisanim propisima. Težište aktivnosti u narednom periodu će biti usmjerene na asfaltiranju putea Imamovići.

6. Kratak rezime

- Analizom rada organa mjesnih zajednica može se primjetiti značajan napredak kako u poštivanju Zakonitosti prilikom donošenja propisa i akata, tako i prilikom sklapanja ugovora i sporazuma te poštivanja procedura prilikom finansijskih transakcija,
- Angažovanje sekretara MZ nije profesionalno što ne umanjuje njihovu odgovornost u izvršavanju preuzetih obaveza ,
- Realizacija plana edukacije uveliko doprinosi poboljšanju ličnih sposobnosti sekretara i predsjednika savjeta(u manjoj mjeri) a može koristiti i u svrhu razmjene iskustava,
- Jedinstveni knjigovodstveni servis olakšava praćenje novčanih transakcija i lakše uočavanje pojave eventualnih nepravilnosti,
- Rad organa MZ je transparentan i javan, građani se o aktivnostima koje vode organi MZ informišu putem oglasnih tabli i u direktnim razgovorima građana i članova organa MZ,
- Organi MZ značajno su inicirali i koordinirali aktivnosti na tekućem održavanju putnih kanala, propusta, košenju trave u putnom pojasu, uočavanju i prijavljivanju lokacija deponija smeća i poduzimanju preventivnih radnji u vezi sa istim, u narednom periodu očekujemo još značajnije angažovanje na ovom polju,

- Kreiranje i početak korištenja službenih e-mail adresa mjesnih zajednica uticalo je na poboljšanje komunikacije kako između mjesnih zajednica tako i na relaciji MZ-Općina te stvorilo predušlove za određene uštede kako Općini tako i MZ,
- Nastaviti sa praksom prisustvovanja referenta za rad sa mjesnim zajednicama na pojedinim sjednicama organa MZ jer se povećava efikasnost u komunikaciji i dobija jasnija slika o problemima sa kojima se susreću organi MZ i prijedlozima za njihovo rješavanje.

Obrazloženje prihoda i rashoda (tabela 2):

U prihodima i rashodima pojedinih MZ prikazana su i sredstva vodovoda kako kod MZ koje vrše naplatu vode Šije (125.502,50 KM), Kalošević (6.477,00 KM), i MZ koje prikupljaju sredstva od građana u cilju gradnje vodovoda i to: Dobropolje Mekiš (18.010,00 KM), Jablanica(13.441,45 KM), Miljanovci Lončari (3776,00 KM-dug), Orašje Planje (51.527,02 KM), Medakovo (37.635,00 KM) i Trepče (78.295,50 KM), prikupljena sredstva se troše u skladu sa namjenom tj. za održavanje i gradnju vodovoda. Kod MZ Jelah (37.439,15 KM) i MZ Tešanjka (68.604,40 KM) predstavljena su sredstva koja su putem organa MZ prikupljena za liječenje oboljelih sugrađana, ta sredstva su uplaćena na račune građana kada je u pitanju Tešanjka ili su još na računu kada je u pitanju MZ Jelah i ulaze u stavku stanje na dan 31.12.2015.godine. MZ Novi Miljanovci izvršili povrat duga iz ranijeg perioda u ukupnom iznosu od 24.051,54 KM te je uplatom ovog iznosa dug u potpunosti izmiren čime je osigurano normalno funkcionisanja MZ u narednom periodu.

OBRADIVAČ:

Služba društvene djelatnosti
i investicije

PREDLAGAČ:

Općinski načelnik

Azra Muslija, dipl. pravnik

Mr.sci. Suad Huskić, profesor

Broj: 03-05-5-692/16.

Datum:17.03.2016.godine

TABELA1: PREGLED ODRŽANIH SASTANAKA DONESENIH ODLUKA I POTPISANIH UGOVORA

Mjesna zajednica	Sastanci Savjeta	Sastanci Skupštine	Prisustvo koordinatora	Sastanaka sa Opć. načelnikom i službama	Izvršen uvid /provjera		
					odluka	zaključaka	Ugovora/ sporazuma
Bobare-Drinčići-Blaževci	5	2	3	1	21	5	4
Bukva	10	3	1	1	79	13	5
Dobropolje-Mekiš	6	1	0	0	24	13	21
Dž.Planje	5	1	1	1	28	8	7
Jablanica	10	1	1	1	82	6	42
Jelah	10	3	1	2	11	67	11
Jevadžije	9	1	1	1	27	5	4
Kalošević	8	3	1	1	44	11	8

Karadaglije	7	2*	1	0	26	9	5
Kraševo	4*	1*	2	1	13	12	3
Ljetinić	6	1	2	1	22	2	6
Medakovo	6	3	2	1	19	20	151
Miljanovci-Lončari	9	1	1	0	20	11	8
Mrkotić	5	1	1	1	14	4	3
Novi Miljanovci	5	1	0	2	16	6	4
Novo Selo	5	2	1	1	17	4	5
Orašje Planje	6	1	1	0	15	4	286
Piljužići	6	1*	2	0	34	2	3
Raduša	8	2	1	1	6	51	6
Rosulje	6	1	1	0	27	28	7
Šije	17	2	3	2	83	41	24
Tešanj	10	2	1	0	46	6	4
Tešanjka	10	2	2	1	173	13	11
Trepče	9	3	2	2	27	12	17
Vukovo	5	1	1	1	10	5	2
UKUPNO	186	42	33	22	884	358	647

* Po jedna sjednica prekinuta ili nije niti održana zbog nedostatka kvoruma ili drugih neusaglašavanja.

TABELA 2: PREGLED FINANSIJSKOG POSLOVANJA MJESNIH ZAJEDNICA U 2015 GODINI

Mjesna zajednica	PRIHODI U 2015 GODINI					Rashodi	Stanje 31.12.15
	Stanje 31.12.14	Redovna dotacija	Po rješenjima	Zakup/aktivnosti	Ukupni prihodi		
Bobare-Drinčići Blaževci	549,05	6.350,00	20.600,00	1.981,21	29.475,26	28.506,88	968,38
Bukva	5.256,11	6.350,00	4.350,00	4.854,85	20.810,96	15.002,06	5.808,90
Dobropolje-Mekiš	6.574,38	6.350,00	11.041,50	20.536,33	44.502,21	27.553,38	16.948,83
Dž.Planje	1.346,82	6.350,00	9.900,00	0,00	17.596,82	17.298,89	297,93
Jablanica	1.952,43	6.250,00	10.718,30	13.963,67	32.614,40	30.179,27	2.435,13
Jelah	15.941,49	9.000,00	39.200,00	101.360,54	165.502,05	90.084,44	0,00
Jevadžije	2.450,36	6.350,00	1.200,00	463,00	10.463,36	7.879,05	2.584,31

Kalošević	6836,32	6.350,00	13931,33	11697	38.814,65	32.341,64	6.473,01
Karadaglije	2.725,09	6.350,00	10.575,00	1.000,21	20.650,30	17.499,92	3.150,38
Kraševo	3.103,69	6.350,00	3.390,00	1.982,07	14.825,76	9.159,02	5.666,74
Ljetinić	1.825,45	6.350,00	5.900,00	10.675,54	24.750,99	23.999,30	751,69
Medakovo	4.325,84	6.350,00	4.475,00	49.590,86	64.741,70	54.712,72	10.028,98
Miljanovci-Lončari	1.652,01	6.350,00	14.350,00	7.579,70	29.931,71	27.522,55	2.409,16
Mrkotić	48,60	2.850,00	3.587,50	2.000,00	8.486,10	8.382,40	103,70
Novi Miljanovci	1.454,33	5.850,00	26.448,10	7.501,00	41.253,43	40.933,07	320,36
Novo Selo	1.239,62	6.350,00	6.500,00	2.795,16	16.884,78	15.163,84	1.720,94
Orašje Planje	2.938,49	6.350,00	3.200,00	56.902,51	69.391,00	50.580,81	18.810,19
Piljužići	2.931,21	6.350,00	8.470,00	1.899,16	19.650,37	17.321,53	2.328,84
Raduša	3.750,50	9.000,00	15.950,00	590,19	29.290,69	29.036,23	254,46
Rosulje	8.908,31	6.350,00	4.400,00	4.080,41	23.738,72	23.209,65	529,07
Šije	9.742,40	9.000,00	20.992,09	126.767,10	166.501,59	135.104,56	31.397,03
Tešanj	13.556,96	10.950,00	3.100,00	8.409,61	36.016,57	18.329,22	17.687,35
Tešanjka	1.509,97	7.200,00	15.641,00	93.843,84	118.194,81	117.111,92	1.082,89
Trepče	21.083,37	6.350,00	9.050,00	84.261,87	120.745,24	87.819,86	32.925,38
Vukovo	1.270,28	6.350,00	17.190,00	1.304,57	26.114,85	22.895,66	3.219,19
UKUPNO	122973,5	168050	284159,82	616040,4	1190948,32	947627,87	243320,45